

# CYNGOR SIR CEREDIGION

## GWASANAETH YSGOLION

### CORFF LLYWODRAETHOL YSGOL GYNRADD GYMUNEDOL TALYBONT

4.00 – 5.20 PM, 10 TACHWEDD, 2022

<b>Yn bresennol (Teams):</b>	Bethan Davies (Cadeirydd), Llio Rhys, Catrin M S Davies, Rhian Nelmes, Trish Huws, Hefin Jones (Pennaeth).
	Pauline Lucas (Swyddog Cefnogi Llywodraethwyr)

Cofnod o Drafodaeth y Corff Llywodraethol:		Gweithredir gan*:
<b>1</b>	<b>YMDDIHEURIADAU:</b>	
	Derbyniwyd ymddiheuriadau oddi wrth Siwan Evans, Cathryn Lloyd Williams a Rhian Evans. <b>PENDERFYNWYD</b> derbyn yr ymddiheuriadau.	
<b>2i</b>	<b>DATGAN BUDDIANT / CYFRINACHEDD / EGWYDDORION YMDDYGIAD:</b> Atgoffodd y Cadeirydd yr Aelodau o'r pwyntiau canlynol:	
	a) yr angen i ddatgan buddiant o dan bob eitem ar yr agenda neu ymhob trafodaeth yng nghyfarfod y Corff Llywodraethol lle byddai gofyn iddynt adael y cyfarfod. Byddai pob buddiant sy'n cael ei ddatgan yn cael ei gofnodi;	
	b) bod y materion a drafodir yn y cyfarfodydd yn gyfrinachol hyd nes y caiff y cofnodion eu cymeradwyo ac na ddylid eu trafod yn gyhoeddus;	
	c) yr Egwyddorion Ymddygiad, a lofnodwyd wrth enwebu person i rôl Llywodraethwr ac a oedd ar gael ar Teams i gyfeirio atynt.	
	<b>PENDERFYNWYD</b> nodi'r uchod.	
<b>2ii</b>	<b>PENODI CADEIRYDD:</b>	
	<b>PENDERFYNWYD</b> ailbenodi Bethan Davies yn Gadeirydd ar gyfer y flwyddyn 2022/2023.	
<b>2iii</b>	<b>PENODI IS-GADEIRYDD:</b>	
	<b>PENDERFYNWYD</b> ailbenodi Cathryn Lloyd Williams yn Is-gadeirydd ar gyfer y flwyddyn 2022/2023.	
<b>2iv</b>	<b>COFNODION:</b>	
	Cadarnhawyd cofnodion y cyfarfod a gynhaliwyd ar 09.06.2022, byddent yn cael eu harwyddo gan y Cadeirydd a byddai copi'n cael ei anfon at Adran y Llywodraethwyr.	

Cofnod o Draffodaeth y Corff Llywodraethol:		Gweithredir gan*:
<b>2v</b>	<b>MATERION YN CODI O'R COFNODION:</b>	
a)	<p>Nodwyd nad oedd y goleuadau ymlaen gymaint ag yr oedden nhw a byddai Catrin MS Davies yn monitro'r sefyllfa.</p> <p>Roedd angen golau ar yr iard oherwydd diogelwch y staff wrth iddynt gerdded o'r ysgol i'r maes parcio. Byddai'r Pennaeth yn cysylltu â Swyddog Cynnal a Chadw'r ysgol.</p>	<p>CMSD</p> <p>Pennaeth</p>
b)	<p>Derbyniwyd gohebiaeth ynghylch traffig y tu allan i'r ysgol. Roedd Catrin MS Davies wedi gofyn am ymateb oddi wrth yr Awdurdod Lleol, ond nid oedd wedi derbyn ymateb.</p> <p>Bu'r disgyblion a Swyddog Diogelwch y Ffordd yn mesur cyflymder ceir tu allan i'r ysgol cyn y gwyliau hanner tymor.</p> <p>Roedd yr ohebiaeth ynghylch gostwng y 30mya i 20mya yn aneglur ac roedd Catrin MS Davies wedi bod mewn trafodaethau gyda Ben Lake ac Elin Jones.</p> <p>Byddai'r sefyllfa'n cael ei monitro.</p>	
<b>2vi</b>	<b>COFNODION Y PWYLLGORAU:</b>	
	<p>PENDERFYNWYD nodi'r canlynol:</p> <p>Cyfarfu'r Pwyllgor Tâl ar 4 Hydref 2022 i drafod Cyflogau'r Athrawon. Trafodwyd pob Athro yn ei dro. Diolchwyd i'r holl athrawon am eu gwaith a'u hymroddiad.</p> <p>Anfonodd y Cadeirydd <b>neges</b> at bob aelod o staff i ddiolch iddynt am eu gwaith caled a gwerthfawrogwyd hyn.</p>	
<b>2vii</b>	<b>PWYLLGORAU'R CORFF LLYWODRAETHOL:</b>	
<p><b>PENDERFYNWYD</b> penodi Aelodaeth y Pwyllgorau fel a ganlyn a mabwysiadu'r ddogfen ynghylch y Cylch Gorchwyl a oedd ar gael ar Teams o flaen llaw:</p>		
<b>Disgyblu a Diswyddo Staff</b>		
<b>Cyfarfod Cyntaf</b>	<b>Apêl</b>	
2 Riant-lywodraethwr, Llywodraethwr Cymunedol	Yr Is-gadeirydd, Llywodraethwr yr Awdurdod Lleol, Rhiant-lywodraethwr	
<b>Disgyblu a Gwahardd Disgyblion</b>		
Y Cadeirydd, Llywodraethwr Cymunedol, Rhiant-lywodraethwr		
<b>Dethol Penaethiaid a Dirprwy Benaethiaid</b>		
3-7 Aelod yn ôl y gofyn		
<b>Rheoli Perfformiad y Pennaeth</b>		
<b>Cyfarfod Cyntaf</b>	<b>Apêl</b>	
Y Cadeirydd, Trish Huws	Yr Is-gadeirydd, Helen Ovens	
<b>Adolygu Tâl</b>		
<b>Cyfarfod Cyntaf</b>	<b>Apêl</b>	
Y Cadeirydd, Trish Huws, Rhian Evans	Yr Is-gadeirydd, Catrin M S Davies, 1 Aelod	

**Cwynion**

Yr Is-gadeirydd, Llywodraethwr yr Awdurdod Lleol, Rhiant-lywodraethwr

**Cwynion Cyflogaeth Staff****Cyfarfod Cyntaf**

Yr Is-gadeirydd, 2 Aelod

**Apêl**

3 Aelod

**Medrusrwydd y Pennaeth****Cyfarfod Cyntaf**

Catrin M S Davies Bethan Davies, 1 Aelod

**Apêl**

Rhian Evans, Trish Huws, Helen Ovens

**Cyllid**

Y Corff Llywodraethol Llawn

**Safonau, Perfformiad a'r Cwricwlwm**

3 Aelod

**Eiddo, Adeiladau, Iechyd a Diogelwch**

3 Aelod

**Staffio a Phersonél****Cyfarfod Cyntaf**

Aelodau yn ôl y gofyn

**Apeliadau**

Aelodau yn ôl y gofyn

**Llesiant**

Y Pennaeth, Trish Huws, 2 Aelod

**Ymgysylltu â'r Gymuned**

Y Pennaeth, 3 Aelod

**2viii CYFRIFOLDEBAU'R LLYWODRAETHWYR:****PENDERFYNWYD** penodi'r Llywodraethwyr canlynol i fod yn gyfrifol am y meysydd canlynol:

Amddiffyn Plant / Rhianta Corfforaethol / E-Ddiogelwch: Bethan Davies

Anghenion Dysgu Ychwanegol: Trish Huws

Y Cytundeb Llwyth Gwaith: Catrin M S Davies

Cynefino / Hyfforddiant / Fforwm: 1 Aelod

Chwythu'r Chwiban: Cathryn Lloyd Williams

Presenoldeb: Rhian Evans

Y Siarter Iaith: Catrin M S Davies

Cofnod o Drafodaeth y Corff Llywodraethol:		Gweithredir gan*:
	leithoedd, Llythrennedd a Chyfathrebu: Rhian Nelmes	
	Gwyddoniaeth a Thechnoleg: Cathryn Lloyd Williams	
	Y Dyniaethau: Helen Ovens	
	Y Celfyddydau Mynegiannol: Trish Huws	
	Mathemateg a Rhifedd: Siwan Evans	
	Iechyd a Llesiant: Trish Huws	
	Crefydd, Gwerthoedd a Moeseg: Bethan Davies	
<b>2ix</b>	<b>ADRODDIAD BLYNYDDOL Y CADEIRYDD I'R RHINIEN 2021-2022:</b>	
	Atgoffodd y Swyddog Cefnogi Llywodraethwyr yr Aelodau o'r pwyntiau canlynol:	
	a) bod yn rhaid i'r Cadeirydd baratoi adroddiad blynyddol a bod templed o adroddiad a baratowyd gan ERW ar gael ar y wefan Cefnogi Llywodraethwyr;	
	b) nad oedd yn rhaid cynnal cyfarfod â'r rhieni. Fodd bynnag, rhaid hysbysu'r rhieni ynghylch eu hawl i wneud cais am gyfarfod gan ddefnyddio'r pwerau yn Adran 94.	
	c) <b>PENDERFYNWYD</b> nodi'r canlynol: rhannwyd adroddiad drafft â'r Aelodau er gwybodaeth; roedd un newid i'r adroddiad; byddai'r adroddiad yn cael ei rannu â'r Aelodau.	
<b>3i</b>	<b>ADRODDIAD Y PENNAETH:</b>	
	Anfonwyd copi o adroddiad y Pennaeth at yr Aelodau o flaen llaw. Cafwyd trafodaeth ynghylch y canlynol:	
	a) <b>Y Cwricwlwm i Gymru:</b> Nodwyd bod gweledigaeth a Chwricwlwm yr ysgol wedi'u mabwysiadu a byddent yn cael eu rhannu â'r rhieni. Cynhaliwyd nifer o gyfarfodydd gydag Aled Rumble (Cydylynydd y Cwricwlwm i Gymru), byddai Llio Rhys yn cael cyfarfod gydag ef yr wythnos ganlynol. Roedd y disgyblion yn cael profiadau ymarferol a oedd yn wych ac o safon.	
	b) <b>Monitro:</b> Roedd hyn yn parhau yn yr ysgol gyda phwyslais ar Wyddoniaeth a Thechnoleg. Byddai Llesiant yn cael ei fonitro cyn diwedd y tymor pan fyddai'r Llywodraethwr a oedd yn gyfrifol am y maes yn cael gwahoddiad i drafod gyda'r disgyblion a'r Staff.	
c) <b>Cynllun Datblygu Ysgol:</b> Roedd y 4 blaenoriaeth yn dal i gael sylw. Codwyd pryder ynghylch faint o waith a phwysau oedd ar y staff ar ôl oriau'r ysgol, gan gynnwys cyrsiau, hyfforddiant, cyfarfodydd staff a chyfarfodydd â		

Cofnod o Drafodaeth y Corff Llywodraethol:		Gweithredir gan*:
	<p>rhieni. Roedd yr ysgol yn ceisio gwella llesiant y staff drwy gynnal teithiau cerdded, trafodaethau, amser rhydd a derbyn eu syniadau.</p> <p>Roedd y staff yn rhannu arfer da a oedd yn beth da, ond roedd hyn yn ychwanegu at y llwyth gwaith a oedd eisoes yn drwm.</p> <p>Roedd y Cadeirydd eisiau i'r staff wybod ei bod hi ar gael bob amser i drafod unrhyw bryderon neu i gael sgwrs.</p>	
d)	<p><b>Cyllid:</b> Roedd hyn yn bryder wrth fynd i mewn i'r flwyddyn ariannol nesaf. Derbyniwyd nifer o grantiau y llynedd ac nid oeddent yn gwybod pa rai fyddai ar gael y flwyddyn nesaf. Byddai angen edrych ar y staffio ar gyfer y dyfodol. Byddai 18 disgybl yn gadael blwyddyn 6 ym mis Gorffennaf 2023. Byddai'r Pwyllgor Staffio'n cwrdd ym mis Ionawr 2023 i drafod a monitro'r sefyllfa.</p> <p>Roedd gan yr ysgol arian yng Nghronfa Ymddiriedolaeth WL Rees a chytunodd y Llywodraethwyr y dylid defnyddio'r arian pe bai angen.</p>	
e)	<p><b>Adeiladau:</b> Cwblhawyd y gwaith o ailosod y llawr a phaentwyd yr ystafelloedd dosbarth, ac roeddent yn edrych yn dda. Diolchwyd i'r Awdurdod Lleol am gyfrannu tuag at gost y llawr.</p>	
f)	<p><b>Staffio:</b> Roedd y staff newydd wedi setlo i mewn yn dda, roedd ganddi ddosbarth bach gyda llawer o ddisgyblion a dim mynediad at le y tu allan.</p>	
<b>3ii</b>	<b>DEILIAID ALLWEDDI'R YSGOL:</b>	
	Roedd y Pennaeth eisoes wedi cael rhestr o ddeiliaid allweddî'r ysgol. <b>PENDERFYNWYD</b> nodi bod y manylion wedi cael eu diwygio.	
<b>3iii</b>	<b>Y CWRICWLWM I GYMRU:</b>	
	<b>PENDERFYNWYD</b> mabwysiadu cwricwlwm yr ysgol a'r Trefniadau Asesu ynghyd â nodi y byddai crynodeb yn cael ei gyhoeddi.	
<b>4</b>	<b>HYFFORDDIANT LLYWODRAETHWYR:</b>	
	Atgoffodd y Clerc yr Aelodau ynghylch y canlynol: yr angen i gwblhau'r hyfforddiant Prevent; bod y Fforwm Llywodraethwyr wedi cael ei gynnal ar 26 Hydref dros Zoom.	
<b>5i</b>	<b>POLISIÄU – POLISIÄU STATUDOL (Gan ddilyn amserlen yr Awdurdod Lleol):</b>	
	<p>Amddiffyn Plant - <i>Wedi'i adolygu a'i fabwysiadu</i></p> <p>Rheoli Perfformiad – <i>Wedi'i adolygu a'i fabwysiadu</i></p> <p><b>I'w hadolygu os bydd newidiadau wedi codi:</b></p> <p>Codi Tâl</p> <p>Cwynion (i'w gyhoeddi ar wefan yr ysgol)</p> <p>Y Cwricwlwm</p> <p>Diogelu Data</p>	

Cofnod o Draffodaeth y Corff Llywodraethol:		Gweithredir gan*:
	Iechyd a Diogelwch Disgyblu Disgyblion (a Gwrth-fwlio) Addysg Rhyw Anghenion Dysgu Ychwanegol Y Weithdrefn ar gyfer Disgyblu, Ymddygiad, Medrusrwydd Staff ac Achwyniadau Rheoli Straen	
<b>5ii</b>	<b>POLISI DERBYN 2023-2024:</b>	
	Rhoddwyd copi o'r polisi ar Teams er gwybodaeth. <b>PENDERFYNWYD</b> gwneud y canlynol: Mabwysiadu'r polisi; Cadarnhau mai capasiti'r ysgol oedd 127; Cadarnhau mai nifer derbyn yr ysgol oedd 18.	
<b>6</b>	<b>GOHEBIAETH:</b>	
	PENDERFYNWYD nodi'r llythyr oddi wrth Lywodraeth Cymru ynghylch gwisg ysgol.	
<b>7</b>	<b>DYDDIAD Y CYFARFOD NESAF:</b>	
	<b>PENDERFYNWYD</b> nodi y byddai cyfarfod nesaf y Corff Llywodraethol Llawn yn cael ei gynnal ar 22.03.2023.	

PL  
15.11.2022